

Pintzeladak

JON SARASUA



HEDABIDEN ga-
rrantzia politikoa gogorazten
digute noizean behin Ramos
Hidalgo enpresaren plana eta
KASen barne txostena beza-
lako pintzeladatoxek. Manipulazioaren mekanis-
mo eta adibideetan sakontzea unibertsitateko kaze-
taritza arloko zereginik majoenetakoa da. Eta, zi-
nez, Euskal Herria honetarako laborategi ezinho-
bea da.

Euskaradunoi dagokigunean, entzulego-bana-
ketaren eta ildo informatiboaren arteko desfasean
testulibururako moduko adibideak dira ETB eta
Donostiako Euskadi Irratia. Azken honetako as-
tebeteko arratsaldeko informatiboaren «albistearen
komentario iturrien» azterketa lekuko. Desfase hau
entzulegoaren aldetik posible egiten duena faktore
bitxi bat da: ildo honek erasotzen duen populazio
zatiak jarrera politikoen gainetik eduki dezakeen
bere hizkuntzarekiko atxekimendua. Denok dakigu
nondik doazen tiroak. Baina arazoaren tamaina de-
xentea da. Eta tartean amildegia daukan herri ho-
netan jendea berehala kokatzen bada ere, gauza
hauek kezkatzen denak ez dauka ildo batekoa izan
beharrak. Bai ordea jabetuta kezkatzen ez denak.

Mariano Ferre-ek egunkari honetan zioen bere
demokrazia kontzeptutik telebista publiko bat sor-
tzen dela. Bestetik, ETB (EITB, behin esaten hasi
ezkero). «Beste» horretan, gehiengo ondasun bat
da, administratu eta kontsolidatu behar dena. Eus-
karazko hedabide publikoa hainbatetik bat da,
esanguratsua baina. Artelan hontan KASen txos-
tenarena eta Ramos Hildalgoren horixe dira, pin-
zeladatoxak.

● Navarra

Tagle eta Portell
gogoratuz

Egun hauetan behin eta berriro al-
biste izan dugu, terrorismoaren ingu-
ruko alor guztietan, herri honetako
kazetari eta epaileen zerrendak
nahastuta daudela. Analista abertzale
zuhurrek, hauteskundeetan izan duten
beherakadaren, beraien ekimenek la-
guntzarik ez izatearen eta euskal gi-
zartean baztertuak izatearen arrazoia,
ustez izen ona kentzen ahaleginduta
dauden kazetaritza-polizia fron-
te bati leporatu diote. Posible izango ba-
litz bezala beste jarrereren bat, errurik
gabeko haurrak esterminatzen dituz-
ten profesionalekin. (...)

Euskal terrorismoaren dialektikan,
batzuk biktime azpimarratzen dute,
sailkatu egiten dute, beren «erantzukizunak»
ezartzen dituzte eta gero
krimenaren profesionalak etorri eta
hil egiten dituzte. (...)

Badaezpada ere, komenigarria da
jakitea Herri Batasunako buruzagiak
direla terrenoa leun- tzen ari direnak.
CARLOS CARNICERO / 1991-VII-20

● EL MUNDO

Erregea

Konbidatu zuten Aita Santua, baina
ez dator Loiolara. Ez dakit konbidatu
duten erregea, baina badator Azpeiti-
ra. (...)

HEMEROTEKA



ZULET / EL DIARIOVASCO / 91-VII-20

● DEIA

Ezker Abertzale
Berriaren proiektu
zaharra

Ulertu banu bezala, protagonis-
moak ezin duela amorerik eman ezker
abertzalearen egituraketan eta ohar-
tuta, Enpresa ezkeraren (Mugika
Arregi) eta Errekaren (Javier Ga-
raialde) esku utzteak dakartzan arris-
kuek, KAS erakundeak Herri Bata-
suna bultzatu du instituzioetan kuan-
titatiboki eta kualitatiboki modu des-
berdinean parte hartzeri. (...)

EAKo lider batzuen adierazpenak,
EEko «Añamendiko» sektorekoak

bere alderdian hartzeko duten jarrera
onari buruz, eta baita beren proiektu
aurrerakoia eta abertzalearekin sin-
tonizatzen dutenak ere, ez dute kon-
tutan hartu HBK duela indarrak han-
diena, eta «Ezker Berriko» proiektua-
ren eragileak ez daudela besterik ga-
be, konbergentziaren alde EAn.

S.LARRAÑAGA / 1991-VII-20

● EL DIARIO VASCO

Jokoa apurtuta

Baina bertako indarren azterketa-
rako trebeziarik ezak, EAJ hirukoit-
zera bideratu duenak, zuzendua izan
den berririk ez dugun azalpen ideo-
logiko batean babestu zen: beharrez-
koa zela eskatzea sozialistei programa
bat, herria guztien artean normaliza-
tzeko eta gizarte anitz bat antolatzeko.
(...)

Espero daiteke «jokoa apurtzea» ez
izatea nazionalismoaren linea nagus-
ia, ez pragmatikoa, ez programati-
koa. Baina paktu hirukoitz naziona-
lista behartu duena eta gaur egun pak-
tu agintzen duena, norabide horretan
dabil setati. Zilegi da, beraz, esatea
Gobernu paktuaren inkoherentziaren
gainetik, hirukoitz autonomikoa gaur
egun nazionalismoan dauden joera
nazionalista bat dela: espainiar guz-
tietzako orden proiektuarekiko
leialtasunik eza. Alegia, gaur egungo
Eusko Jaurlaritzak duen paktu eredu-
a, demokratikoa da, baina salatu beha-
rreko antisistema.

JOSE R.RECALDE / 1991-VII-20

Elefanterik gabeko
oihana

RAMON ETXEZARRETA



EGUNKARIA bixi
da, eta EGUNKARIAN bizi gara.
Ez da chungarren alea, ez eta
ere bere lehen urtea, baina ba-
lantez gisakoak agertzen ari
dira. Uztaileko hamabostaren

urteurrena izan da lehen ospakizuna. Han hemenka
ere ez da falta hitzik, hitz gozorik.

Tartean behin baretasunetik harrotutako olatua-
ren punta bistaratzen zaigu, euskal prentsa. Bi ban-
do dituela dirudien euskal prentsa. Euskaldun guz-
tiok batetik, EGUNKARIAREN inguruan bilduta, eta
Joseba Arregi eta Beloki jaunak, egoskor egoskor,
bestetik, euskaldun guztien, EGUNKARIAREN, kon-
tra. Ez nago konforme.

Esan mesan batzuek aparte, oraindano eginda-
koan ofizialaren alderago nago, kalean darabilgu-
narena baino. Denok egon behar genuke halaxe
gainera, zeren jaio nahi eta behar duen guztiak da-
goena baino hobea izatea izaten du lehen helburu.
Ofizialaren alderago nago gure hau *zabal itxia* edo
ixi zabala delako, eta azkenean, orain urte bete ere
esaten nuen bezalaxe, ateak nahiz eta denontzat
zabalik egon, giltza daukatenak daukatelako, edo,
hobeto esanda, eduki dezaketenek bakarri eduki
dezaketelako.

Bestalde, uztailearen hamabost gogoangarri har-
tan, eta lehenengo eta geroago ere bai, iragartzen
ziren euskal kultura eta eskriturako izan handiak ez
dira asko azaltzen. Ez dakit EGUNKARIAREN alde
lana egin duten edo EGUNKARIA aritu den beren-
tzako lanean. Baina konpromezu asko, militantzia
asko, lan asko, etabar, etabar, eta zertarako? Kontra
zegoen batek, oraindik ere beste proiektu batek
konbentzitzen duen batek adina lan, ez gehiago
juxtu juxtu egiteko. Hau mundua Euskal Herrikoa!

Espetxera
joatea: pauso
koherentea

Asko gara, bere garaian,
soldaduskari uko egin genion
kontzientzi eragozle intsumi-
soak, eta are gehiago gauegun
ere bide berdina jarraitzen
dutenak. Eta ekintza hori, ez
dugu gordezka eta isilpean
egiten, garbi aldarrikatuz eta
epaile militarren aurrean azal-
duz baizik.

Ez dugu soldaduskara joan
nahi eta deituak garearen ez
gara joaten, zeren, gure ustez,
hori bait da biderik egokiena
arazoari aurre egiteko, beti ere,
bide baketsutik, inongo bel-
durrik gabe, ordezkio baldin-
tzarik onartu gabe.

Gobernua, gure jarreraren
aurrean, epaiketak egiten hasi
da eta 16 hilabeteko gartzela
zigorrak ematen. Badirudi hori
dela Gobernuak gurekiko duen
erantzun bakarra.

Kontzientzi eragozle intsumi-
soek garbi dakusagu, sol-
daduska 9 hilabetera jaistea
lortu bada, guri, kontzientzi
eragozpenari esker izan dela,
eta gure bidea (intsumisioa)
izango dela soldaduska erabat
kentzeko bide bakarra. Horre-
xegatik ez dugu etsiko espe-
tzearen aurrean eta Gobernuak

kondenatzen bagaitu, gu gar-
tzelara joango gara. Espetxera
joatea, gure jokaera intsumi-
soaren ondorio baino ez da,
koherentzia da.

Koherentzia hori, gainera,
ez da soldaduskaren arloa ba-
karrik mugatzen, militar ku-
tsua daukaten eremu guztietara
baizik eta horrela sortzen da
antimilitarismoa eta *ez-bio-
lentziaren* jokaera.

Baina intsumisioak gartze-
laratzeak, nire iritziz, gizarte
presioaren gorakada ekarri
behar du, gizarte osoaren de-
sadosasuna suposatuta behar
du, eta horrexek Gobernuaren
jarrera kolokan jarri eta jasa-
nezina bihurtuko du.

Eta hori, ez da kontzientzi
eragozpenaren garaipena
izango soilik, gehiengoaren
iritziaren isla behar duen
gobernuari, hori exigitzeko
kapaz izan den gizartearena
baizik.

XABIER HUIZI
EGILEGOR
HERNANIHezkuntza saila
eta heziketa
kalitatea

Ikastetxe bakoitzak eskain-
tzen duen heziketa ikastetxe

horretako eskola komunita-
tearen eskutan dago neurri
handi batean. Azpimarragarria
da, noski, irakasle taldearen
ardura, izan ere, bere ihardue-
rak markatzen baitu egunez
egun heziketaren nondik no-
rakoa.

Hala ere, ezin dugu ahaztu
heziketa prozesuaren baldin-
tzak finkatzerakoan Hezkun-
tza Sailak duen erantzukizuna.
Berak erabakitzen ditu ratioak
(31 ikasle gelako kopururik
onuragarriena ote da?), bere
esku dago irakasle laguntzaile
eta espezialistak jartzea (mu-
sika eta plastika irakaslea,
gorputz heziketakoa, atzerri
hizkuntzakoa, orientadorea)
eta, batez ere, edozein heziketa
proiektu gauzatu eta garantiaz
aurrera eramateko ezinbeste-
koa den *klaustroaren egon-
kortasuna*. Azken hau dugu
arazo larrienetakoa eta Erre-
formaren erronkari (heziketa
hobeteari) aurre egin ahal iza-
teko nahitanahiezkoa.

Gure umeei, ikasle guztiei,
eskaintzen diegun heziketa
hobetzeak denon apostua izan
behar du, eta zuzenki inplika-
tuena batez ere (guraso, ira-
kasle taldea). Hala ere, Hez-
kuntza Sailak badu zeresanik,
bere esku bait daude erabaki
garrantzitsuak.

RAFAEL HERRERO
IRUN

PERTSONAIA



Miguel Indurain

Doinua: Gai horrek badu mamia

Atarrabitik irten zen
garaipenaren bila
Val-Louronen agertu du
txapeldunaren maila
eskuratu duelako
liderraren makila
horiz ere jantzi zaigu
Banestoko mutila
Indurain letra nagusiz
eskribatu dadila
Tourrari eman bait dio
behar duen «gurpila».

JOSEBA SANTXO

Administrazio Kontseiluko Lehendakaria:
MARTIN UGALDEKontseilu Editorialeko Lehendakaria:
JOAN MARI TORREALDAIKontseilari Ordezkarria:
JOXE MIEL ZUMALABEGerentea:
INMA GOMILAZuzendaria:
PELLO ZUBIRIAZuzendariordeak:
NEREA AZURMENDI
LUZIEEN ETXEZAHARRETA
INAKI URIAPublizitatea:
KORNELIO ROTETA

Egunkaria

Batzorde Parekidea: 72564 E
Lege Gordailua: SS 800/90

HELBIDEAK

Egoitza soziala, Pulizitatea eta Administrazioa: Antso Jakituna, 16-1. / 20.010 Donostia / ☎ 46 90 22 /
Faxa: 45 59 57Erredakzio eta Tailerra: ANTZA S.A. Industrialdea 01-02 Pabilioak / 20.160 Lasarte-Oria /
☎: 37 15 45 / Faxa: 36 54 93

Araba: San Antonio, 20-1. ezker. / 01005 Gasteiz / ☎ 23 38 72 / Faxa: 23 38 73

Nafarroa: Iratxe Monastegia, 45-13. esk. / (Irrintzi dorrea) / 31011 Iruñea / ☎: 17 80 78/79 /
Faxa: 17 80 77

Bizkaia: Barroeta Aldamar, 2-1. eskuma. / 48002 Bilbo / ☎: 423 90 62 / Faxa: 423 94 60

Lapurdia / Nafarroa Behera / Zuberoa: 2, Galuperia kaia. / 64100 Baiona / ☎: 59 59 35 75 /
Faxa: 59 25 75 11